

Early European Books, Copyright © 2012 ProQuest LLC  
Images reproduced by courtesy of the Biblioteca Nazionale Centrale di Firenze.  
CINAQ, 2.0-518/a







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.518/a



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.518/a



Early European Books, Copyright © 2012 ProQuest LLC  
Images reproduced by courtesy of the Biblioteca Nazionale Centrale di Firenze.  
CTHAGL 2.6.518/a



3123 45

# S. EPHRAEM SYRI PATRIS, ET SCRIPTORIS

Ecclesiæ antiquissimi, & dignissimi.

In Natiuitatem, & Epiphaniam Domini

C A N T I C A

NUNC PRIMUM EX SYRIACA EIVSDEM S. PATRIS  
*vernacula lingua Latine reddita.*

STUDIO, ET OPERA IO. BAPTISTAE MAR  
Collegiatæ Ecclesiæ S. Angeli in Foro Piscium,  
Canonici vulgata.



R O M Æ,

Apud Franciscum Monetam. MDCXLV.

---

*Superiorum permissu.*

S. EPHRAIM SYRI

PATRIS ET SCRIBITORIS

Beate et sanctissime de dignitate

In Christo et Episcopo Romanorum

C A N T I C A

2000 TEMPLA ET TEMPLA ET TEMPLA

et TEMPLA ET TEMPLA ET TEMPLA

STODOLSKY OPUS DE TEMPLA ET TEMPLA

Opus de TEMPLA ET TEMPLA ET TEMPLA

Opus de TEMPLA ET TEMPLA ET TEMPLA



B. U. V. E.


Opus de TEMPLA ET TEMPLA ET TEMPLA

Opus de TEMPLA ET TEMPLA ET TEMPLA



EMINEN.<sup>MO</sup> AC REV.<sup>MO</sup> PRINCIPI<sup>3</sup>  
FRANCISCO CARDINALI  
BARBERINO S. R. E. VICECANC.<sup>MO</sup>

Io. Baptista Marus . F.

 ECVNDIS apparemus coram  
Eminentia tua non vacui, si ani-  
mum spectemus eruditioni, &  
pietati, quibus excelles, additum. Si  
nuper in quibusdam S. Augustini ser-  
monibus placuimus, nunc in Augu-  
stissimi Infantis laudibus ex Orienta-  
lium thesauris erutis, quin placeamus,  
dubium non est: Accipe igitur non au-  
rum, nec myrrham, sed thus piæ deuo-  
tionis; reliqua ipsi præstabunt Magi, &  
tenellus Infans, cuius has velut fascias  
Eminentiaæ tuæ hoc xenio pro ineuntis  
anni auspicijs dico. Vale.

A 2

LE-

## LECTOR



RO strenis huius anni Quadragesimi quinti, qui in omnibus sæculis mystērius fuit, damus tibi hoc xenium; accipe pio, & deuoto, quos nos offerimus animo, vt crescat deuotionis affectus tum erga Deiparam Virginem, eiusque dulcissimum natum Orbis Redemptorē, tum ad cognoscendum erudita pietate Trium Magorum, eorundemque Regum Religionem, vt qui Primi Prædicatores Christi à quibusdam Sanctis Patribus vocantur: Horum festa memoria à multis sæculis celebris fuit, immo ob historiam ipsa sui cognitione vagam varijs interdum implexa commendationibus, quæ proinde in Apocrypha excusabilis deuotionis errore degenerauit. Eorum tamen exactam historiam inter recentiores scripsit nuper piè, doctè, & eruditè Pater Melchior Inchofer è Societate Iesu, cui, quæ desunt antequam ipse à residua parte tabulæ manum retrahat, hinc nos præludimus, quæ si ipse nactus fuisset, procul dubio aliquid ornamenti suis lucubrationibus hinc addidisset. Quod modò monemus Lector aduertat oportet, hæc, quæ tradimus, excerpta esse ex antiquissimo m.s. Breviario, vsu recepto, Collegij Maronitarū, cuius author, vt fama constans est apud omnes Orientales, est Doctissimus, atque sanctissimus Ephræm Syrus, eaque



eaque nos habere ex erudita versione perdocti viri  
 Abrahami Ecchellensis Maronitæ è Libano Philoso-  
 phiæ, ac Theologiæ Professoris & Orientalium lin-  
 guarum in Almo Urbis Gymnasio publici Lectoris,  
 qui in pluribus lucubrationibus semper Reipublicæ  
 studet prodesse, tum maxime in ijs, quæ ad pietatem,  
 & sanctitatem spectant, omne suum studium confert.  
 Quod nostrum hoc loco est, scias, nostro desiderio &  
 impulsu fecisse illum, vt hæc vulgarentur, & ne nobis  
 solum placeremus, eadem publici iuris esse volumus,  
 vt inter cætera, quæ affecta in simili genere ad manus  
 sunt, hoc quoque argumento tibi placeremus. Intelli-  
 gas etiam hîc interpretem non elegantiae orationis, &  
 lepori studuisse, sed vt verba ex verbo, quàm fieri po-  
 tuit, redderet manente sensu integro, eaque proinde  
 non tibi videri debent rudia, cum non rudem, sed do-  
 ctam contineant pietatem ad profectum spiritus valdè  
 utilem. Quod adhuc nostrum est, præter desiderium  
 placendi in omnibus, quæ edituri sumus, in præsentî  
 Opere hoc solum monemus, reflectendam esse cogi-  
 tationem ad ea, quæ olim circa hanc Magorum histo-  
 riam vulgata erant maximè apud Orientales, ne circa  
 ea, ex ijs, quæ postea innotuerunt, tricarî velis; in plu-  
 ribus enim differunt Orientales ab Occidentalibus; sed  
 citra offensionem pietatis, inter quæ, vnum est illud,  
 quod stellam ipsam quidam Angelum putauerunt,  
 eum-



eundemque Gabrielem Archangelum myſterij Re-  
 demptionis ad B. Virginem Euangeliftam, quod tamē  
 aliter viſum eſt recentioribus, vt Angelum, non ipſam  
 ſtellam, ſed latorem ſtellæ opinarentur, de quibus vi-  
 de dictum Patrem Melchiorem. Plus etiam refert ani-  
 maduertere, non hīc induci B. Virginem tanquam ſi  
 à Magis edoceri cuperet de myſterio, de quo potius  
 ipſi à Virgine docendi erant, vt cæteri plerique, ſed du-  
 plici de cauſa id factum eſt, Primò, vt ad imitationem  
 quæſtionis cum Angelo habitæ, tametiſi Virgini non  
 eſſet occultum myſterium, ad erudiendam Eccleſiam,  
 deinde, vt dialogiſticè induceretur Virgo tãquam exa-  
 minans eos ad plauſum de nouo Rege iucundè captā-  
 dum, quod ipſi dubio procul reuelatione iam prius do-  
 cti cognouerant; & ideo præ gaudio cordis Matri eiuf-  
 dem annunciabant, non tanquam ignorantī, ſed potius  
 circuitione piarum quæſtiūcularum affirmanti, vt ple-  
 runque in ſimilibus eſſe ſolet. Hæc paucis, reliqua tu  
 pro tua, Lector, pietate cum affectu conſidera, & no-  
 bis faue, qui omne ſtudium noſtrum eò conferimus,  
 vt omnium hoc genus antiquitatum abſtruſa quæuis,  
 & recondita monumenta ſcrutemur, & in tuam vtili-  
 tatem publici iuris faciamus, quod etiam nuper feci-  
 mus in edendis quibuſdam S. Auguſtini ſermonibus.  
 Vale.

SAN-



7

# SANCTI EPHRÆM SYRI IN NATIVITATEM DOMINI CANTICVM.



**VIGILES** ecce exultant hodie, quòd Vigil venit, ut nos vigilare faciat.

Hac nocte ergo quis dormiet, in qua mundus totus vigilat?  
Quia suis peccatis Adam induxit somnū mortis in mundū,

Descendit vigil, ut nos vigilare faciat à seruitute peccati.

At ne vigilemus ut sceleratores, qui de argento, quod scelerati sunt

Cogitant, noctuq; multū vigilant ad computādum sortem, & scenus.

Nec ut fures vigilemus, qui somnū in terra defodiunt suū, totaq; ipsū

Vigilantia incumbit, ut dormientibus suspiria pariat.

Nec vigilemus ut prodigus, qui crapula deditus cecidit in pauperiē, eiusq;

Vigilantia peperit illi cruciatum, quòd moderatè non vixerit.

Nec vigilemus ut mercator, qui noctu micat digitis, ut suum compute

Talentum, an duplo, triploque sit auctum.

Nec vigilemus ut diues, cuius somnum excusserunt diuitie, canesq; eius

Dormiunt, & ipse vigilans suas opes obseruat à furibus.

Nec vigilemus ut audus, cuius somnum absorbit auditas,

Illiq; finis cum instet, affideatq; Puluino, tamen sollicitus est in annos.

Diabolus enim vigilantiam pro vigilantia venditat, ac docet, ut

Bonis quidem dormiamus operibus, malis verò impensè vigilemus.

Iudas quoque Iscariotes tota nocte vigilabat, tamen sanguinē vendidit

Innocentem, qui totum mundum redemit.

Scribe etiam filij tenebrarū tota nocte vigilabant, vigilarunt tenebrosi,

Vt tenebras obducerent lumini illi immenso.

At vos ut luminosi vigilare satagite in hac nocte luminosa,

Quæ colore est nigra, virtute gloriosa est, ac splendida.

Nè decipiamur ergo dilectissimi, quòd vigilamus; nam qui pro meritis

Non vigilat, expedientius illi est, ut non vigilet.

Qui dignè non vigilat, eius vigilantia dormire est, & qui parè

Non vigilat, eius vigilantia contra se est.

Vigilantia quoque inuidi est illi Vrceus detrimenti, eiusq; vigilantia

Est meritorium derisione plenum, & contemptu.

Ira-



Iracundus si vigilat, ab iracundia eius perturbatur vigilantia,  
 Er itq; ipsius vigilantia furore referta, & blasphemys.  
 Loquax si vigilat, os eius vector fiet, ad vulnera infligenda  
 Sollicitum, ad orationes verè effundendas pigrum.  
 Prudens, ac discretus vnum è duobus sibi eligit;  
 Aut enim dormit suauiter, aut verò sanctè vigilat:  
 In nocte pura, qua purus ortus est, qui nos puros reddere venit,  
 Nihil impurum admittatur, quod vigilantiam nostram conturbet.  
 Semita aurium pura reddatur, conspectus oculorum pudicus  
 Exhibeatur, cogitatio cordis sancta fiat, loquela oris purificetur.  
 Quis sat est ad laudandum filium veritatis, qui nobis ortus  
 Est, quem in suis generationibus videre desiderarunt Iusti?  
 Adam expectauit illum, cum sit Dominus Cherubim, ipseque poterat  
 Solus illum ad arborem reducere vitæ.  
 Abel quoque desiderauit, ut suo veniret tempore, ut pro agno,  
 Quem obtulit, agnum Dei videre posset.  
 Eua expectauit illum, quia nudati plurimum ipsam angebat,  
 Illeq; solus poterat pro folijs induere eos gloria, quam amiserant.  
 Turris, quam plures extruxerunt, vnius designabat mysterium,  
 Quod descensus erat edificare Turrim, qua ad Cælum scanderetur.  
 Arca quoque animalium typum Domini referebat, quod ipse edificaret  
 Ecclesiam, in qua protegerentur animæ  
 Phaleg, in cuius diebus terra diuisa est in septuaginta linguas,  
 Expectauit illum, qui terram linguis diuisit Apostolis suis.  
 Terra, quam diluuium inundauerat, Dominum suo designabat silentio,  
 Qui descendit, & aperuit Baptismum, quo ad Cælum feratur.  
 Seth, Enos, Cainan, & Enoch, qui filij Dei cognominati sunt, filium  
 Dei expectarunt, ut illi per gratiam fierent fratres.  
 Paulò minus, quàm annos mille vixit Matheusalem expectans  
 Filium, ut vitam ei tribueret, quæ nunquam deficiat.  
 Ipsa gratia conatu quodam pro illis deprecata est, ut eorum  
 Tempore veniret Dominus, ipsorumq; leuaret necessitates.  
 Spiritus enim sanctus, qui in illis pro illis secretò rogabat, indicauit  
 Eis quod eodem Spiritu viderint Saluatorem, quem desiderabant.  
 Anima iustorum in eo fructu vitæ inesse medicamen præsensit,  
 Optauitq; ut suis diebus veniret, ut eius gustaret dulcedinem.  
 Enoch exoptauit eum, cumq; in terra eum videre non potuisset,  
 Fide & operibus auclis, ut ascenderet in Cælum videre illum.

Quis



9

Quis calumniari poterit gratiam, quia donum, quod magno labore  
 Consequi non potuerunt priores, gratis consecuti sunt posteriores?  
 Ipsum quoque Lamech expectauit, ut veniens sua pietate illum  
 Leuaret ab operibus manuum, laboribus, ac terra quam Iustus maledixit,  
 Cumq; vidisset ipse Lamech, quod Noe filius suus mysteria filij  
 Gereret, loco Domini remoti solatus est mysterio proximo  
 Vt illum videret, & Noe exoptauit, quia eius prægustauit opem  
 Etenim si typus eius animalia seruauit, Archetypus ipse quam vitam dabit  
 Ipsum expectauit hic Noe, & experientia didicit, per ipsum arcem stetisse.  
 Si ergo typus eius ita saluat, Archetypus ipse quanta præstabit?  
 Spiritu præsensit Abraham, quod filij longè distaret natiuitas,  
 Quare loco ipsius personæ diem ipsius videre desiderauit.  
 Vt illum videret Isaac impensè desiderauit, nam salutare prægustauit  
 eius; si ergo typus eius ita saluat, Archetypus ipse quanta præstabit?



B E I V S.

EIVSDEM SANCTI EPHRÆM SYRI  
DE MARIA, ET MAGIS  
CANTICVM.



*A*TO filio lumen affulsit,  
Et ex mundo tenebræ fugatæ,  
Illuminatusq; est Orbis,  
Laudes ergo referat nato, qui illum illuminauit.  
Ortus est ex utero Virginis,  
Eoq; viso defecerunt umbræ,  
Et tenebræ erroris ab eo expulsa,  
Orbisq; totus illustratus, laudes ergo illi referat.  
In populis tumultus magnus factus est,  
Et lumen ortum est in tenebris,  
Exultaruntq; gentes, ut laudes referant  
Illi, qui sua natiuitate illuminauit eas.  
Immisit in Orientem lumen suum,  
Et syderis fulgore illuminata est Persis;  
Ortus inuitauit, & annunciauit ei,  
Ad victimam iam venisse omnes exhilarantem.  
Præcurrens luminare affulsit  
Inter tenebras, & vocauit  
Populos, ut venientes fruerentur  
Magno illolumine, quod in terram descendit.  
Vnum ex stellis nuncium  
Misi Aeter ad annunciandum  
Persis, ut sese pararent  
Occurrere Regi, & adorare illum.  
Magos vocauit, & dixit eis  
Magna Assyria, cum præsensisset:  
Accipite munera, & ad honorandum festinate  
Regem magnum, qui in Iudæa ortus est.  
Exultantes igitur Principes Persidis  
Ex sua regione acceperunt munera,  
Et Filio Virginis attulerunt

Au.



*Aurum, Myrrham, & Incensum.*  
*Ingressi ut infantem repererunt illum*  
*In domo iacentem Paupercula,*  
*Ac procidentes exultando adorauerunt eum,*  
*Et suos ipsi obtulerunt thesauros.*

*Maria. Dixit Maria: cui hæc*  
*Et ad quid? & quæ causa*  
*Vocauit vos ex vestra regione,*  
*Vt ad puerum cum thesauris vestris veniretis?*

*Magi. Respondent illi: Rex est Filius tuus,*  
*Et diademata connectit, cum sit Rex omnium,*  
*Altiusq; mundo est Regnum eius,*  
*Ac Imperio ipsius singula parent.*

*Mar. Quando contigit hoc unquam,*  
*Vt paupercula Regem pariat?*  
*Inops sanè sum, ac egena,*  
*Vndeq; mihi erit, ut Regem pariam?*

*Mag. Tibi soli hoc contigit Virgo,*  
*Vt magnum Regem parias,*  
*Et per te magnificabitur paupertas,*  
*Filioq; tuo subiicientur diademata.*

*Mar. Non sunt mihi Gazæ Regum,*  
*Nec diuitiæ unquam mihi obuenerunt;*  
*Domus eni paupercula est, & vacuum domicilium,*  
*Cur ergo Filium meum Regem prædicatis?*

*Mag. Gazæ magnæ est Filius tuus,*  
*Et diuitiæ, quæ omnes ditare valent;*  
*Gazæ namque Regum deficiunt,*  
*Ille verò nec deficiet, nec mensurabitur.*

*Mar. Nè alius fortè sit vester*  
*Rex, qui natus est, hunc perquirite;*  
*Etenim hic paupercula est Filius,*  
*Quæ Regem vel videre nequit.*

*Mag. Numquid fieri unquam potest, ut aberret*  
*Viam lumen quando immittitur?*  
*Siquidem non tenebræ nos vocarunt, & adduxerunt:*  
*Sed in lumine ambulauimus, & Filius tuus Rex est.*

*Mar. Ecce videtis infantem silentem,*

B 2

Et



*Et Matris domus inanis, & vacua est,  
Nullumq; in ea Regis apparet vestigium,  
Quomodo ergo eiusmodi inclinata domum Rex est?*

*Mag. Ecce sanè videmus illum silentem, & quietum,  
Sed Regem, et si pauperem, ut dixisti:  
At videmus etiam eum suo commouere Imperio  
Astra Cæli, ut prænuncient ortum eius.*

*Mar. Oportet, homines, ut inuestigetur,  
Quis est Rex ille, ac tùm eum adoretis,  
Fortè enim viam aberrastis,  
Et alius sit ille Rex, quem quaritis.*

*Mag. Oportet, puella, credas,  
Filius tuum esse Regem nos esse edoctos  
A' luminari, quod errare non potest,  
Et via per quam nos adduxit plana quidem est.*

*Mar. Paruulus est infans, & ecce ut ærnis,  
Nec diadema Regiam habet, nec thronum  
Quid ergo videtis, ut honoretis eum  
Thesauris vestris ut Regem?*

*Mag. Paruulus est, quia ipse voluit,  
Et diligit mansuetudinem,  
Et humilitatem: ac ubi manifestabitur,  
Incuruabuntur illi diademata, ac illum adorabunt.*

*Mar. Virtutes nullas habet,  
Neque legiones, neque Cohortes Filius meus,  
In paupertate suæ iacet Matris,  
Et Rex à vobis quomodo appellatur?*

*Mag. Virtutes Filij tui desuper sunt,  
Cælum equitant, & micant flammis,  
E' quorum numero vnus nos vocare venit,  
Totaq; perterrita est Regio nostra.*

*Mar. Infans est natus, & qui fieri potest,  
Ut Rex sit, cum & mundo sit ignotus,  
& Potentes autem, ac famulos  
Quomodo puer reget?*

*Mag. Infans tuus, Virgo, senex est,  
Antiquus dierum, omniumq; primus,  
Et quidem Adam illo iunior est,  
Et per illum Orbis totus renouabitur.*

Mar.

Mar. Oportet vos sanè, ut exponatis  
 Totum mysterium, & aperiatis,  
 Quis manifestavit vobis Arcanum Filij mei,  
 Quòd Rex sit in Regione vestra.

Mag. Oportet te, puella, etiam, ut credas,  
 Quòd nisi rei nos impulisset veritas,  
 Nequaquam huc è finibus terræ appulisse mus  
 Aberrantes propter Filium tuum.

Mar. Totum mysterium, ut actum est  
 Apud vos in Regione vestra,  
 Aperite nunc mihi ut amici:  
 Et quis vocavit vos, ut ad me veniretis?

Mag. Magna Stella nobis apparuit,  
 Reliquis multò splendidior Stellis,  
 Cuius lumine nostra terra est inflammata,  
 Et quòd Rex ortus sit, nobis annunciauit.

Mar. Nollem, vos queso, loquamini  
 Hæc in Regione nostra,  
 Nè sentientes Reges terræ machinentur  
 Sua invidia aduersus Puerum.

Mag. Nè timeas Virgo,  
 Quia omnia diademata soluet Filius tuus,  
 Eaqu; pessundabit,  
 Nec sua invidia nocumentum inferre illi valebunt.

Mar. Herodem timeo  
 Lupum pollutum, ne me perturbet,  
 Et gladium stringat, quo præcidat  
 Dulcem Botrum adhuc immaturum.

Mag. Herodem ne timeas,  
 Per Filium enim tuum subuertetur eius thronus,  
 Et statim atque regnabit, destructur,  
 Et eius diadema decidet.

Mar. Torrens sanguinis est Hyerusalem,  
 In eaque optimi quique cadunt,  
 Quare si hoc præsenferit, machinabitur in illum;  
 Ideoqu; secretò loquamini, precor, & nè tumultuetis.

Mag. Torrentes omnes, & lancea etiam  
 Per manus Filij tui sedabuntur,  
 Et Hyerusalem obstupescet gladius,

Et



*Et nisi voluerit, non cadet.*

Mar. *Scribe & Sacerdotes Hyerusalem,  
Qui sanguinem subdole effundere solent,  
Excitabunt forte lethale litigium  
Aduersus me, & aduersus puerum, Magi, quaeso, silete.*

Mag. *Scribe, & Sacerdotes nequaquam valebunt  
Sua inuidia Filio tuo nocere,  
Et per ipsum soluetur eorum sacerdotium,  
Et solemnitates eorum cessabunt.*

Mar. *Angelus aperuit mihi quando concepi Puerum,  
Quod Rex sit Filius meus,  
Et quod ab alto sit eius diadema, & non soluetur  
Ipse quoque explicauit mihi, ut & vobis.*

Mag. *Angelus igitur, quem dicis,  
Ipse venit sub specie Syderis,  
Et apparuit nobis, atque annunciauit,  
Quod Puer maior sit, & splendidior stellis.*

Mar. *Explicauit mihi, dum annuntiaret  
Angelus ille, qui mihi apparuit,  
Quod Regni eius non erit finis,  
Et arcanum seruandum est, ne reueletur.*

Mag. *Explicauit nobis & Stella,  
Quod Regum Dominus sit Filius tuus,  
Aspectus igitur eius immutatus est,  
Et cum esset Angelus, nobis non indicauit.*

Mar. *Mihi cum apparuisset Angelus,  
Dominum suum antequam conciperetur, vocauit eum,  
Et Filium Altissimi mihi ipsum praedicauit,  
Et ubi sit Pater eius ignoratur.*

Mag. *Apud nos praedicauit sub Stellae specie,  
Quod Caeli Dominus natus sit,  
Et luminaribus dominetur Filius tuus, opertet,  
Et absque eius Imperio non oriuntur.*

Mar. *Coram vobis ecce aperio  
Aliud Arcanum, ut confirmemini,  
Scilicet, Virgo peperit Filium,  
Filiumque Dei euntes, predicate ipsum.*

Mag. *Iam nos praedocuit Stella,*

*Nati-*



*Natiuitatem eius extra ordinem esse natura ,  
Et super omnia esse filium tuum ,  
Eundemq; etiam Filium esse Dei :*

**Mar.** *Altitudo testatur , & profunditas ,  
Omnesq; Angeli , ac Stelle ,  
Illum esse Filium Dei , ac Dominum ,  
In terram vestram eius referte nuncium .*

**Mag.** *Altitudo vniuersa per vnā Stellam  
Commouit Persidem , & confirmata est ,  
Filium Dei esse Filium tuum ,  
Et omnes gentes ipsi subiectum iri .*

**Mar.** *Pacem referte in terram vestram ,  
Pax gliscat in finibus vestris ,  
Veraces veritatis nuncij  
Habeamini in toto itinere vestro .*

**Mag.** *Pax Filij tui nos reducat  
Incolumes in regionem nostram , ut duxit ,  
Et cum Imperium eius mundo manifestabitur ,  
Inuisat terram nostram , & benedicat illi .*

**Mar.** *Gaudeat Persis vestro nuncio ,  
Exultet Assyria vestro reditu ,  
Et quando Regnum Filij mei manifestabitur .  
In regione vestra suum collocabit vexillum .*

*Laudes referat exultans Ecclesia ,  
Quod natus sit Altissimi Filius ,  
Illuminauitq; altitudinem , & profundum ,  
Benedictus , qui sua natiuitate exhilarauit omnes .*

ORA-

## O R A T I O

Eiusdem S. Ephrām Syri in Natiuitate Domini.

**C**Hriste Verbum Patris Cœlestis, qui homo pro nobis factus es sine mutatione, & in Bethleem hodie natus es, & factus nobis via, & ianua, per quam ad genitorem tuum ingrediamur: Tu Domine gratiam tuam, & misericordias tuas immitte nobis, ac suscipe à nobis peccatoribus seruis tuis Thymiana hoc, quod in odorem suauitatis tibi offerimus, & redde, atque remitte nobis pulchras petitiones nostras auxilio à thesauris tuis refertas: & ignosce, atque dimitte nobis omnia illegitima, quæ commisimus: & concede nobis securitatem, & pacem tuam cum lætitia in hac colenda die tuæ Natiuitatis, & in omnibus diebus vitæ nostræ, & requiescere fac fideles defunctos in cœlestibus mansionibus, vt tam nos, quàm ipsi referamus tibi, & Patri, ac Spiritui tuo sancto Laudes, Gloriam, & Honorem. Amen.


F I N I S.


2.6.518




pro  
eth-  
ua,  
Tu  
nitte  
Thy-  
feri-  
itio-  
gno-  
com-  
cem  
tatis,  
scere  
as, vt  
c Spi-  
rem.
























005647 447



LB